

Uunga missingiut: Kommune Kujallermi umimmanniarneq pillugu ileqqoreqqusaq

Umimmaat illersugaanerat piniagaaneralu pillugit Namminersorlutik Oqartussat nalunaarutaanni nr. 8, 27. juni 2013-imeersumi § 3, imm. 2-3, § 4, imm. 2-3, § 14, imm. 2-3, § 18 kiisalu § 26 naapertorlugit aalajangersarneqarpoq:

Attuuffii

§ 1. Ileqqoreqqusat uku Kommune Kujallermi Sermillup kiisalu Tasermiut akornani qeqertaasami umimmaat aqunneqarnerannut piniagaanerannullu atuupput.

Pisassiisarneq agguaassisarnerlu

§2. Umimmattassiissusit angutivissanut arfineq marlunnut (7) arnavissanullu tallimanut (5) agguataarneqartassapput, katillugit aqqaneq marluk (12).

Imm. 2. Kommune Kujalleq kujataani pisassiisutaasunik agguaassisartuuvoq.

Imm. 3. Aqutsiviit sumiiffinnut pingasunut agguataarneqarput:

Aqutsiveqarfik 1: Narsaq eqqaanilu nunaqarfiit (Qassimiut, Qassiarsuk, Narsarsuaq kiisalu Igaliku) sisamanik (4) pisassinneqassapput.

Aqutsiveqarfik 2: Qaqortoq eqqaanilu nunaqarfiit (Eqalugaarsuit, Saarloq) sisamanik (4) pisassinneqassapput.

Aqutsiveqarfik 3 Nanortalik eqqaanilu nunaqarfiit (Alluitsup Paa, Ammassivik, Tasiusaq, Narsarmijit kiisalu Aappilattoq) sisamanik (4) pisassinneqassapput.

Imm. 4. Kujataani agguaassineq qinnuteqartunik makitsinikkut pisassaaq.

Imm. 5. Inuussutissarsiutigalugu piniartut makinneqartut akornanni makitsinikkut angutivissat arnavissallu agguarneqassapput.

Piffissaq sumiiffillu piniarfiusoq

§ 3. Inuussutissarsiutigalugu umimmanniarneq 1. september aallartissinnaavoq 30. september 2024-lu ilanngullugu ingerlasinnaalluni.

Imm. 2. Arnavissanik piniarfissatut killigitinneqarput Itillersuaq 60 36 59 N 44 45 09 W – 60 31 33 N 44 30 40 W kiisalu Kangikitsoq 60 29 16 N 44 49 03 W – 60 27 10 N 44 56 10 W.

Imm. 3. Angutivissat eqqarsaatigalugit Itillersuarmiit sinerissap tungaanut attarmoortut angutiviartallit pisaqarfigneqarsinnaapput. Isortup qoorua 60 41 16 N 44 38 53 E – piniarfiussanngilaq. Ilangussaq 1 takuuk.

Piniarnermut allagartamik pissarsisarneq

§ 4. Uani piniarnermut allagartamik qinnuteqarit nutarterigilluunniit

Umimmanniarsinnaanermut akuersissummik pissarsineq

§ 5. Umimmanniarsinnaanermut akuersissut saaffiginnittarfimmit nunaqarfiulluunniit allaffianit piniarneqassaaq.

Imm. 2. Umimmanniarsinnaanermut akuersissut sumiiffimmi aalajangersimasumi umimmanniarnissamut akuersissutaavoq. Akuersissummi allassimavoq akuersissutaatik qasseraarsinnaanersoq.

Umimmanniarnermut akuersissut inummorpiaq tungasuuvuq. Tassa allanut tunniunneqarsinnaanngilaq. Akuersissut piniartilluni nassarneqassaaq.

Imm. 3. Ukiakkut umimmanniarsinnaanermut allagartartaassagaani piniarnermut allagartaq kingusinnerpaamik 1. maj akilersimasariaqarpoq. Naalackersuisut imaluunniit Kommune Kujalleq allamik aalajangiisinnaapput.

Nalunaarutiginninneq

§ 6. Piffissap piniarfiusup naanerani sapaatit akunneri marluk qaangiutsinnagit umimmattat Kommune Kujallermi sullissivimmut nalunaarutigineqartassapput. Nalunaarutip imarissavai umimmanniarnermut akuersissut tunniunneqarsimasoq immersugaq, umimmaap ilivitsuunerani nassuinillu assilissamik uppernarsaat.

Imm. 2. NemID-mik pigisallit, attaveqaatit atorlugit ugguuna pisaminnik nalunaarutiginnissinnaapput uani: sullissivik.gl. Aamma ukiumut immersortagaq Piniarneq, piniarnermut allagartamut ilanngullugu tunniunneqartartoq, atorlugu nalunaarutiginnittoqarsinnaavoq uunga faxikkut nassiunneqartussamik: +299 34 53 40 imaluunniit e-mail: jagtbeviser@nanog.gl.

Pineqaatissiisutit

§ 7. Nalunaarummi matumani aalajangersakkanik unioqqutitsinerit akiliisitsinermik imaluunniit Kalaallit Nunaanni pinerluttulerinermik inatsimmi malittarisassat malillugit arsaarinninnermik kinguneqarsinnaapput.

Imm. 2. Akiliisitsissutit taavalu pigisat aningaasalluunniit arsaarinnissutaasut nunatta karsianut tutsineqartassapput.

Atortuulersitsineq

§ 8.

Ileqqoreqqusat uku atuutilerput ULLOQ.

Kommune Kujallermi kommunalbestyrelsimit ulloq ULLOQ akuerineqartut.

Stine Egede

/ Tine Pars

Aalisarnermut Piniarnermullu Naalackersuisumit atuuttussanngortinneqartut ULLOQ

Kim Kielsen